

Naalakkersuisut 2017-ip qiteqqunnerani nungusaataangitsumik ivigartortitsinissaq pillugu misissuineramik aallartitsinissamut peqquneqarnissaannik Inatsisartut aalajangiiffigisassaattut siunnersuut. Misissuinermi neriniarfiusartut nersutaateqarnermut ullumikkut atorineqartartut eqqannguaniittullu aallaavigineqassapput, kiisalu nungusaataangitsumik atuineq innarlingikkaluarlugu neriniarfinni nerisaqarneq qanoq annertutigisoq attanneqarsinnaanersoq pillugu naliliineramik imaqaassalluni.

(Saqq.: Namminiilivinnermut, Pinngortitamut, Avatangiisinut Nunalerinermullu Naalakkersuisoq)

Taanna pillugu

Aalisarnermut, Piniarnermut Nunalerinermullu ataatsimiititaliap

ISUMALIUTISSIISSUTAA.

Siunnersuutip aappassaaneerneqarneranut saqqummiunneqartoq.

Suliarineqarnerani ataatsimiititaliaq kingullermik ukuninnga inuttaqarpoq:

Inatsisartunut ilaasortaq Hans Aronsen, Inuit Ataqatigiit, siulittaasoq
Inatsisartunut ilaasortaq Nivi Olsen, Demokrateer, siulittaasup tullia
Inatsisartunut ilaasortaq Knud Kristiansen, Siumut
Inatsisartunut ilaasortaq Nikolaj Jeremiassen, Siumut
Inatsisartunut ilaasortaq Henrik Fleischer, Partii Naleraq
Inatsisartunut ilaasortaq Kelly Berthelsen, Inuit Ataqatigiit
Inatsisartunut ilaasortaq Villy Olsvig, Inuit Ataqatigiit

Ulloq 8. Maj 2017 siullermeerereermermi siunnersuut ataatsimiititaliamit misissorneqarpoq.

Siunnersuutip imaa siunertaalu

Siunnersuutip kingunerissavaa Naalakkersuisut 2017-ip qiteqqunnerani nungusaataangitsumik ivigartortitsinissaq pillugu misissuineramik aallartitsinissamut peqquneqarnissaat. Misissuinermi neriniarfiusartut nersutaateqarnermut ullumikkut atorineqartartut eqqannguaniittullu aallaavigineqassapput, kiisalu nungusaataangitsumik atuineq innarlingikkaluarlugu neriniarfinni nerisaqarneq qanoq annertutigisoq attanneqarsinnaanersoq pillugu naliliineramik imaqaassalluni.

Siunnersuutip Inatsisartuni siullermeerneqarnera

Partiinit tamanit Naalakkersuisunitaaq siunnersuut akuerineqassasoq inassutigineqarpoq.

Ataatsimiititaliap siunnersuummik suliaqarnera

Ataatsimiititaliap siunnersuut misissorpaa, ilanngullugillu siullermeerinermi oqariartuutigineqartut, taakkulu pillugit ima oqaaseqassalluni:

Ataatsimiititaliap paasivaa, siunnersuut partiinit tamanit akuerineqartussatut inassutigineqartoq, kiisalu Naalakkersuisut 2016-imi ukiakkut ataatsimiinnermi tamanna pillugu Inatsisartut (UKA 2016/34-imi) aalajangiinerannik malitseqartitsinertut Naalakkersuisut siunnersuummik saqqummiussisut.

Tamatuma malitsigisaanik UKA 2016/34 pillugu inaarutaasumik taasissutaasoq¹ eqqaasitsissutigissallugu ataatsimiititaliaq pissutissaqarpoq, tassanimi allassimammat:

“Nungusaataanngitsumik neriniartitsisarnerup misissorneqarnissaanut UKA 2017-imi siunnersuummik Naalakkersuisut saqqummiusseqqunissaanut [...] siunnersuut, tassanilu misissuinermi periusissat, piffissalersuineq aamma akissaajaatit imaritinneqassapput. Misissuinermi neriniarfiusartut nersutaateqarnermut ullumikkut atorreqartartut eqqannguaniittullu aallaavigineqassapput, kiisalu nungusaataanngitsumik atuineq innarlingikkaluarlugu neriniarfinni nerisaqarneq qanoq annertutigisoq attanneqarsinnaanersoq pillugu naliliinermik imaqaassalluni.”
(ataatsimiititaliamit naqinnerit silittunngortitat)

Siunnersuummi uani misissuinermi periusissat, piffissalersuineq aamma akissaajaatit pillugit allaaserisat ilanngunneqarsinnaanersut ilannguttariaqarnersullu ataatsimiititaliaq eqqakannersumik isumaqarpoq tamanna apeqquserneqarsinnaasoq. Taamaalillunimi siunnersuut uissuummissutigineqarsinnaasumik naatsumik ilusilerneqarsimavoq.

Tamanna ataatsimiititaliamit eqqumiiginartilluinnarneqarpoq, UKA 2016/34-mut isumaliutissiissutikkut Naalakkersuisut paasisariaqarsimagaluarmassuk, ivigartortitsisarnermik misissueratarsinnaaneq qanoq sukkullu ingerlanneqarnissaata inissitsiternissaa Inatsisartut kissaatigigaat, ilanngullugulu misissuinerup taamaattup aningaasatigut qanoq kinguneqarnissaa naatsorsuutigineqarnerseq. Taamaaliornissamut siunertaavoq misissuinissaq pillugu Inatsisartut tamatuma kingorna paasisaqarneq tunngavigalugu isummerlutillu tunngavigalugit aalajangiinnaassammata.

Ataatsimiititaliap akuersaarnartippaa, ivigartortitsisarneq pillugu misissueratarsinnaanermi tunngavissanik ataatsimut isigalugu nassuiaammik siunnersuut imaqarmat. Ataatsimiititaliarli isumaqarpoq oqaasertarineqartut Naalakkersuisunit taamaalillutik (pisortatigoortumik)

¹ Aalisarnermut, Piniarnermut Nunalerinermullu ataatsimiititaliaq UKA 2016/34 pillugu isumaliutissiissummini allannguutissatut siunnersuummik saqqummiussivoq, taannalu kingornatigut Inatsisartunit akuerineqarpoq.

immaqa eqqortinneqarsimasut, taamaattoqarsorinanngilarli qulaani taasissutip saqqummiunneqartup akuerineqartullu anersaava siunertaalu eqqarsaatigissagaanni.

Ivigartortitsisarneq pillugu misissuinissamut siunnersuummi innersuussutigineqarpoq; *“siunnersuut taanna pilersaarullu tassunga atasoq saqqummiunneqarnissamut piareerput”*, taamaattorli kingornani pilersaarut Naalakkersuisunit ilanngunneqanngilaq, tamannalu ataatsimiititaliamit pakatsinartinneqarpoq. Tamannali immaqa puiguinnarneqarsimavoq. Tamatuma kingorna pilersaarutip nuutinnera ataatsimiititaliap pissarsiarisimavaa **(Ilanngussaq 1)**.

Paarlattuanik ataatsimiititaliamit paasiuminaatsilluinnarneqarpoq, Namminiilivinnermut, Pinngortitamut, Avatangiisinut Nunalerinermullu Naalakkersuisoq soq imannak isummeratarsimanersoq²:

*”Dancea-mut qinnuteqaat maannakkuugallartut taamaallaat qallunaatut **allassimavoq nassuiaasersorluagaalluni qanoq suliap ingerlanneqarnissaanut, taamaattumillu ataatsimiititaliamut attuumassuteqanngitsutut nalilerneqarluni**”*
(ataatsimiititaliamit naqinnerit silittunngortitat)

Isummerneq UKA 2016/34-imut atatillugu Naalakkersuisunut suliassiissummut akerliusutut isumaqarnartoq, kisianili peqatigisaanik aamma ivigartortitsisarnermik misissueratarsinnaanerup ingerlanneqarsinnaanera pillugu paasissutissanik amerlanerusunik pissarsiniarnermut ataatsimiititaliap ull. 11. Maj 2017 kissaatigisarlungi allagaqaataanik soqutiginninnginnermik ersersitsisoq. Tamatuma saniatigut ataatsimiititaliaq tunngaviulluinnartumik isumaqarpoq, ataatsimiititaliap siunnersuummik suliaqarneranut suna naleqquttuunersoq pillugu apeqqut ataatsimiititaliap nammineerlungi aalajangissallugu nalunnginnerpaammagu.

Taamaattumik tamannarpiaq pissutigalugu kiisalu siuliani oqariartuutigineqartut malitsigisaanik ataatsimiititaliaq ataatsimut isigalugu pissutissaqarsoraq Naalakkersuisunik isorinninneq oqaatigissallugu.

Taamaattorli tamanna ataatsimiititaliap annertunerusumik malersorusunngilaa. Ataatsimiititaliammi paasinninnera malillugu ivigartortitsisarnermik misissuinissaq sukangasumik piffissalersorneqarsimavoq, ilanngussarlu 1 naapertorlugu Piffissaq 1 ull. 1. Juli naammassereersimasussaavoq, tamannalu ull. 29. Maj siunnersuutip aappassaaneerneqarnissaanut ataqatigiissinneqassaaq.

² Namminiilivinnermut, Pinngortitamut, Avatangiisinut Nunalerinermullu Naalakkersuisoq ataatsimiititaliamut allakkatigut akissutaa ull. 17. Maj 2017 ullulerneqarsimasoq (ilannngussaq 1).

Naggataatungaatigulli ataatsimiititaliap kaammattuutigissavaa, siunnersuutip
aappassaaneerqarneranut atatillugu Naalakkersuisunit manna
paasissutissiissutigineqassasoq:

- Nunalerinermut Siunnersorteqarfik, Savaatillit Peqatigiit Suleqatigiissut (SPS) Kommune kujalleq savaateqarfiillu ataasiakkaat misissuinermi qanoq annertutigisumik – taamaattoqassappallu - sutigit akuutinneqassanersut.

Ataatsimiititaliap peqatigitillugu kaammattuutigissavaa misissuineq, sumiiffiit Kalaallit Nunaata kujataata avataaniitut ilanngutsillugu annertusineqassasoq – Tamanna tamatumunnga pilersaaruteqartoqariinngippat. Taamaalilluni ataatsimiititaliap pitsaasuusinnaasutut nalilerpaa, sumiiffiit immaqa ullumikkut ivigartortitsivittut atorneqanngitsut taamaatorli piukkunnaateqarsinnaasut misissuiffigineqarsinnaanerat.

Siunnersuutip aningaasatigut kingunissai

Inatsisartut suleriaasianni § 33, imm. 1-imi allassimavoq, aalajangiiffigisassatut siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Ataatsimiititaliap paasivaa tamanna naapertorlugu ivigartortitsisarnermik misissuinerup ingerlanneqarnissaanut ukiunut pingasunut agguarneqartumik 1,3 mio. Kr.-nik atuinmissamut missingiisoqarsimasoq.

Ataatsimiititaliap tatigaa, apeqqut tamanna Naalakkersuisunit sukumiisumik misissorneqarsimassasoq, taamaalillunilu malitsigisaanik aningaasatigut sunniuteqarsinnaanaviannngitsoq. Naatsorsuutiginnngisamilli pisortat aningaasiviinut aningaasartuutit amerlanerusut pilissagaluarpata, aningaasartuutit tamakku aningaasaliissutaareersunit akilerneqartariaqassapput, taamaattoqassappallu tamanna suliniutit allat annikillisarneranik kinguneqartariaqassaaq.

Ataatsimiititaliap inassutai

Ataatsimiititaliap isumaqatigiittup siunnersuutip akuersissutigineqarnissaa inassutigaa.


Taamatut oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Hans Aronsen
Siulittaasoq



Nivi Olsen
Siulittaasup tullia




Knud Kristiansen




Nikolaj Jeremiassen



Henrik Fleischer



Kelly Berthelsen



Villy Olsvig



Aalisarnermut, Piniarnermut Nunalerinermullu ataatsimiititaliaq

Ilanngussaq
Bilag 1

Una pillugu: Inatsisartut aaliagiiffigisassaattut siunnersuut (UPA2017/133), Naalakkersuisut peqquneqassasut 2017-ip qiteqqunnerani ivigartorfinnik misissuinissamut aallartitsinissamut

17-05-2017
Sags nr. 49052
Dok. nr. 5409137

Namminiilivinnermut, Nunanut Allanut Nunalerinermullu Naalakkersuisoqarfik maj-ip aqqarnarni 2017-imi tigusaqarsimavoq ivigartorfinnik misissuinissamut pilersaarummik nassiusaqarnissamut qinnuiginnissummik.

Postboks 1340
3900 Nuuk
Tlf. (+299) 34 50 00
Fax (+299) 32 93 98
E-mail: nap@nanoq.gl
www.naalakkersuisut.gl

Atuutsitsilernissamut matumuuna siunnersuut, Inatsisartuni 29. maj oqallisigineqartussa q ilannguppara.

Dancea-mut qinnuteqaat maannakuugallartut taamaallaat qallunaatut allassimavoq nassuiaasorsorluagaalluni qanoq suliap ingerlanneqarnissaanut, taamaattumillu ataatsimiititaliamut atuumassuteqanngitsutut nalilerneqarluni.

Inussiarnersumik inuulluaqqusillunga
Med venlig hilsen

Suka K Frederiksen

ILANNGUSSAQ 1

Suliniutip atuutilersinneqarnissaanut pilersaarut

Piffissaq killilik suliarlu	Allaatiinninneq	Suliarinnittoq (inuk/aaqqa)	Naammassi-neqarpoq (ulloq)	Missigersuut (aningaasartuutit 1.000 kr.-inngorlugit)
Piffissaq 1	Pilersaarusiornermi piffissaq			
<i>Suliacq 1.1.</i>	<i>Uani suliami sumiiffiit toqqartorneqartarput misissuinnermut ilanngunneqartussat. Katillugit 5 x 5-inik misissuinnermut ilanngunneqartussanik toqqaasoqassaaq, taamaalilluni sumiiffiit assigiinngitsut assigiinngisitaartut pineqarniassammata, taamaalilluni sumiiffiit assigiinngitsut naasoqassuissimikkut assigiinnginnerat ilanngunneqarniassammata. Satellitikkut assit atorlugit sumiiffiit toqqarneqarnissaat aaliangerneqassaaq.</i>	<i>JoNy /KaZi /KaRa /IdJa /MiBo</i>	<i>1.7.17</i>	<i>Akissarsiat: 29.080 Overhead: 7.234 Akiliuit: 0 Pissarsineq: 20.000</i>
<i>Suliacq 1.2.</i>	<i>Sulinnermut pilersaarut</i>	<i>JoNy, KaRa, IdJa</i>	<i>1.7.17</i>	<i>Akissarsiaq: 9.750 Overhead: 4.290 Akiliuit: 0 Pissarsineq: 0</i>
<i>Tunniussaq 1</i>	<i>Misiliuitut pilersaarut</i>		<i>1.7.17</i>	
Piffissaq 1 katillugu				<i>Akissarsiaq: 38.830 Overhead: 11.524 Akiliuit: 0 Katillugit: 0 Pissarsineq: 20.000</i>
Piffissaq 2				
<i>Suliacq 2.1.</i>	<i>Sulineq</i>	<i>KaRa/IdJa</i>	<i>1.9.17</i>	<i>Akissarsiaq: 87.000 Overhead: 38.280 Akiliuit: 61.200 Pissarsineq: 0</i>
<i>Suliacq 2.2.</i>	<i>Pilericartortitsineq, pitsassusaanik qulakkeerinninneq Kemimmut tunngusunik nalunaaarsiorneq</i>	<i>KaRa/IdJa</i>	<i>31.12.17</i>	<i>Akissarsiat: 29.000 Overhead: 12.760 Akiliuit: 125.000</i>

Ilanngussaq 1: Suliniutip atuutilersinneqarnissaanut pilersaarummut qinnuteqarnermut immersugassaq 2013-2014

<i>Suliaq 2.3</i>	Nalunaarutiginninneq	JoNy, KaRa, IdJa, MiBo	1.3.18	<i>Pissarsineq:0</i> <i>Akissarsiat:17.080</i> <i>Overhead:6.125</i> <i>Akiliutit:0</i> <i>Pissarsineq:0</i>
<i>Tunniussaq 2</i>	<i>Nalunaarusiaq</i>		1.3.18	
<i>Piffissaq 2</i> <i>katillugu</i>				<i>Akissarsiat</i> <i>katillugit :133.080</i> <i>Overhead:57.165</i> <i>Akiliutit</i> <i>katillugit:186.200</i> <i>Pissarsineq:0</i>
<i>Piffissaq 3</i>				
<i>Suliaq 3.1</i>	Sulinermut piersaarut	JoNy, KaRa, IdJa	1.6.18	<i>Akissarsiat:3.900</i> <i>Overhead: 1.716</i> <i>Akiliutit:0</i> <i>Pissarsineq:0</i>
<i>Suliaq 3.2</i>	<i>Sulineq</i>	KaRa/IdJa	1.9.18	<i>Akissarsiat:69.600</i> <i>Overhead: 30.624</i> <i>Akiliutit:51.650</i> <i>Pissarsineq:0</i>
<i>Suliaq 3.3</i>	<i>Pileriantortisineq, pitsassusaanik qulakkeerinneq</i> <i>Kemiimut tunngasunik nalunaarusiorneq</i>	KaRa, IdJa	31.12.18	<i>Akissarsiat:29.000</i> <i>Overhead:12.760</i> <i>Akiliutit:125.000</i> <i>Pissarsineq:0</i>
<i>Suliaq 3.4</i>	<i>Nalunaarutiginninneq</i>	JoNy, KaRa, IdJa, MiBo	1.3.19	<i>Akissarsiat:17.080</i> <i>Overhead:6.125</i> <i>Akiliutit:0</i> <i>Pissarsineq:0</i>
<i>Tunniussaq 3</i>	<i>Nalunaarusiaq</i>		1.3.19	
<i>Piffissaq 3</i> <i>katillugu</i>				<i>Akissarsiat</i> <i>katillugit :119.580</i> <i>Overhead:51.224</i> <i>Akiliutit</i> <i>katillugit:176.650</i> <i>Pissarsineq:0</i>
<i>Piffissaq 4</i>				

<i>Sulit</i> 4.1	Sulinermut pilersaarut	JoNy, KaRa, IdJa	1.6.19	Akissarsiat:3.900 Overhead: 1.716 Akiliutit:0 Pissarsineq:0
<i>Sulit</i> 4.2	<i>Sulineq</i>	KaRa, IdJa	1.9.19	Akissarsiat:87.000 Overhead: 38.280 Akiliutit:65.200 Pissarsineq:0
<i>Sulineq</i> 4.3	<i>Pileritortitsineq, pitsassusaanik qulakkeerinnineq Kemiumut tunngasunik nalunaarustorneq</i>	KaRa, IdJa	31.12.19	Akissarsiat:34.800 Overhead:15.312 Akiliutit:125.000 Pissarsineq:0
<i>Sulineq</i> 4.4	<i>Kalaallit Nunaata Kujataani ulluni marlunni paasitsiniaaneq (workshop)</i>	JoNy, MiBo	1.3.20	Akissarsiat:12.640 Overhead:2.781 Akiliutit:23.820 Pissarsineq.:0
<i>Sulineq</i> 4.5	<i>Nalunaarutiginnineq</i>	JoNy, KaRa, IdJa, MiBo	1.3.20	Akissarsiat: 49.800 Overhead:19.131 Akiliutit:0 Pissarsineq:0
<i>Tunnissaq</i> 4	<i>Naggasiilluni nalunaarussiaq</i>		1.3.20	
<i>Piffissaq</i> 4 <i>katillugu</i>				Akissarsiat katillugit :194.460 Overhead:77.220 Akiliutit katillugit:214.020 Pissarsineq.:0
<i>Suliniut</i> tamakkerlugu	JoNy=Josephine Nymand KaRa=Katrine Raundrup IdJa=Ida Jacobsen KaZi=Karl Zinglensen MiBo=Mikkel Bojesen			Akissarsiat katillugit : 485.950 Overhead: 197.133 Akiliutit katillugit :576.870 Pissarsineq: 20.000



**Namminiilivinnermut, Pinngortitamut, Avatangiisinut
Nunalerinermullu Naalakkersuisoq Suka K Frederiksen**

Ulloq: 11. maj 2017

J.nr.: 01.36.01.03-00072

**Pineqartoq: Naalakkersuisut 2017-ip qiteqqunnerani nungusaataannngitsumik
ivigartortitsinissaq pillugu misissuineramik aallartitsinissamut peqquneqarnissaannik
Inatsisartut aalajangiiffigisassaattut siunnersuut (UPA 2017/133).**

Aalisarnermut, Piniarnermut Nunalerinermullu ataatsimiititaliap immikkoortoq qulaani pineqartoq pillugu suliaqarnissaminut aalajangiiffigisassatut siunnersuummi ivigartortitsinissaq pillugu pilersaarut taaneqartoq piaarnerpaamik ataatsimiititaliamut nassiunneqarnissaa piumasaraa, pineqartorlu tassaavoq:

"Matumuuna siunnersuut taanna pilersaarullu tassunga atasoq saqqummiunneqarnissamut piareerput"

Pilersaarut kingusinnerpaamik pingasunngornermi 17. maj 2017 nal. 10.00 ataatsimiititaliap allataanut nassiuteqquneqarpoq: (gimsing@ina.gl). Naatsorsuutigisatut pilersaarut piffissaliussami nassiunneqarsinnaanngippat, tamanna pillugu Naalakkersuisut piaarnerpaamik nalunaassasut piumasarineqarpoq, taamaattoqarsimassappallu ilanngunneqassaaq pilersaarutip ataatsimiititaliamut qaqugu nassiunnissaa naatsorsuutigineqarsinnaanersoq.

Qujareerluta.

Inussiarnersumik


Hans Aronsen
Ataatsimiititaliami siulittaasoq